

# Oos-Kaap Willows 12-14 Februarie 2016




Die eerste woonwa het al Woensdag net na 6 dieoggend ingetrek. In totaal was daar 55 woonwaens waarvan 4 gaste was. Alhoewel daar 'n paar opgedaag het sonder om vooraf te laat weet, is ons dankbaar en dit was lekker om die ou gesigte weer te sien. Willows bly en is maar altyd 'n lekker kamp.



Vrydagdaand het Liana vir ons die inbetalings gedoen, 'n groot dank aan haar, sy is altyd 'n staatmaker in tye van nood. Johan het mos mooi netjies 2 kampe vir dieselfde naweek gereël... en om alles te kroon, maak hy almal sommer 3 jaar jonger, die kamp program lees 2013!



Alida doen boekvat en lees vir ons uit "Andries Enslin" se boek "Seisoene van Seën" Matt.5:9 "Gelukkig is die vredemakers, want God sal vir hul sê: Julle is my kinders.



Daarna word die vure opgesteek en almal kuier lekker.


Saterdag word ons begroet met die wonderlike nuus van die geboorte van Christoff Fourie. Baie geluk aan die ouers en groot ouers, mag hy nog baie ure van plesier vir jul gee.



Almal geniet die sonskyn en teen half 4 word die waatlemoene nader gedra om te sny. Ons wil hier vir Poppie baie dankie sê wat op nommer 99 gevra was om te help soek en soos gewoonlik kry sy vir ons die beste prys. PE was net te duur..... nou stel jouself voor jy ry met 20 waatlemoene in jou woonwa... Baie dankie daarvoor. Richard en Benna het met die aflaai hul rugby vernuf getoets en nodeloos om te sê daar het het een per abuis op die grond beland. Gelukkig kon ons toe die kwaliteit toets....en dit was heerlik. Richard, Frans & Johan moes hul sny ken en gou-gou het hul dit opgesny en almal kon smaaklik daaraan smul.

Johan lees vir ons voor uit 1 Samuel 17:47 en deel ook'n traktaatjie wat hy van Skietfontein af saam gebring het met ons.





# Oos-Kaap Willows 12-14 Februarie 2016



Dit lees soos volg:

**DOEN NIKS**, wat u nie wens God moet **sien** nie,

**Sê NIKS**, wat u nie wens God moet **hoor** nie,

**SKRYWE NIKS**, wat u nie wens God moet **weet** nie,

**GAAN NêRENS**, wat u nie graag deur God wil **gevind** word nie,

**MOENIE 'N BOEK LEES**, wat u nie met vrymoedigheid aan die Here kan **wys** nie,

**BESTEE U TYD** op so 'n manier dat u nie skaam sal wees om 'n antwoord te gee as die Here u **vra**;

**"Wat Doen U?"**

Daar was so lekker gekuier deur die dag, dat teen 11 uur was dit doodstil in die kamp en net hier en daar het daar nog groepies gekuier om die vuur.

Sondagoggend word ons begroet met 'n heerlike sonskyn Valentynsdag. Dankie aan Gerhard en Annemarie wat vir ons die Sondagskool waargeneem het. Ons erediens word geopen met vooraf sang deur Ronel en Andre, baie dankie daarvoor, ons sal jul definitief weer gebruik.

Die erediens word waargeneem deur Ds Rion van Niekerk en hy het vir ons die liedjie "You don't love me anymore" van die Everly Brothers voorgespeel. Luister na die woorde en vra jouself af, "Maak jy nog jou oê toe as jul soen?" Hy sluit af met 'n verwysing na die uitdeelstuk wat hy aan almal gegee het.



*Liefde is die sleutel. Vreugde is liefde wat sing.*

*Vrede is liefde wat rus. Geduld is liefde wat volhard. Vriendelikheid is liefde wat aanraak.*



*Goedhartigheid is die karakter van liefde. Getrouwheid is liefde se gewoonte. Nederigheid is liefde se selfopoffering. Selfbeheersing is liefde wat die teuels vashou. (Donald Barnhouse)*



Johan bedank vir Rion en noem ook dat hy tussen werke is en dat hy beskikbaar is. En kan jul glo, teen 8 uur Sondagaand het 2 gemeentes hom al gekontak, ons dien 'n wonderlike Heer. Ons bid hom alle voorspoed toe.



Die Hanekoms is voorgestel as nuwe lede




Cecile Meyer—80 streekkampe



Stenie Grobler—175 algemene kampe



Die Steynbergs—90 streekkampe



# Oos-Kaap Willows 12-14 Februarie 2016



Natuurlik was die Valentyn ook by die erediens en daar word SAWA Dinamiet stokkies uitgedeel om weer die "Liefde te laat ontploff"

Baie dankie vir die uitsleep, die op- en afslaan en ook die terugneem van die tent. Dankie ook aan Johan en Sandra vir die klank en noodhulp, ons waardeer. Na kerk word daar weer vuur opgesteek en rustig gekuier terwyl party vinnig oppak, seker om betyds te wees vir die middagslapie waarna Rion verwys het. Baie dankie vir 'n heerlike naweek!

Alida Steynberg

## SENIOR BURGERS

Die Senior Saamtrek begin op Woensdag 10 Februarie met 6 gesinne. "Muffin" is so braaf dat sy vroeg-vroeg Woensdag oggend die woonwa haak en self sleep aangesien Wouter nog herstel na sy operasie. Maar kamp wil sy kamp. (Ware Sawanant – word deur min dinge gekeer om 'n kamp by te woon.) Donderdag sluit daar nog 3 gesinne by die groepie aan. Donderdagmiddag word daar heerlik saam gekuier. Die aand hou Wouter vir ons boekvat waarna daar weer heerlik saam gekuier en gebraai word.

Groete, Sandra Fourie

